

堯山堂外紀

堯山堂外紀卷二十一

晉陵蔣仲舒編

六朝

隋

楊素

字處道仕周為徐州總管入隋以平陳功封越國公素後庭妓妻曳綺羅者千

數有鮑享者善屬文謝胄者工草隸並南士人因高智慧沒為家奴

楊素好謔有柳機者與族兄昂俱歷顯要後並為外職素時為納言方用事因賜宴素戲機曰二柳俱摧孤楊獨聳一坐歡笑

柳調為侍御史楊素嘗戲之曰柳條通體弱獨搖
不禁風調歛板正色答曰調信無可取者公不
當以為侍御史調信有可取不應發此言公當
具瞻之地樞機何可輕發素甚奇之

臨漳侯白性滑稽尤辨俊好為俳諧楊素甚狎之
素嘗與牛弘退朝白迎謂曰日之夕矣素大笑
曰以我輩為牛羊下來邪

侯白嘗與楊素並馬言話路傍有槐樹顛顛死素

乃曰侯秀才理道過人能令此樹活否曰能素
云何計得活曰取槐樹子於樹枝上懸著卽當
自活素云因何得活答曰可不聞論語云子在

回

關中人槐
回同音

何敢死素大笑

白性輕多戲言嘗
唾壁誤中神茶像

一人因責之應曰侯白兩脚墮地雙眼瞋天太
平田地步履安然此皆符耳安敢望侯白哉

楊素嘗以五言詩贈薛道衡詞氣穎拔風韻秀上
為一時盛作其畧云滔滔彼江漢實為南國紀
作牧求明德若人應斯美高臥未褰帷飛聲已

千里還望白雲天。日暮秋風起。峴山君儻游淚。
落應無已。又云北風吹故林。秋聲不可聽。鴈飛
窮海寒。鶴唳霜臯淨。含毫心未傳。聞音路猶更。
惟有孤城月。徘徊獨臨映。弔影余自憐。安知我
疲病。未幾素卒。道衡曰。人之將死。其言也善。若
是乎。

牛弘

字里仁。封奇章郡公。本姓遼。父名為後魏侍中。賜姓牛。

牛弘為吏部侍郎。有選人馬敞者。形貌最陋。弘輕

之側臥食巢子嘲敬曰嘗聞扶風馬謂言天上
下今見扶風馬得驢亦不假敬應聲曰嘗聞隴
西牛千石不用鞵今見隴西牛臥地打草頭弘
驚起遂與官

煬帝在東宮數有詩書遺弘弘亦有答及嗣位賜
弘詩云晉家山吏部魏代盧尚書莫言先哲異
奇才並佐予學行敦時俗道素乃冲虛納言雲
閣上禮儀皇運初彝倫欣有序垂拱事端居同

時被賜詩者文辭贊揚無如弘美

賀若弼

字輔伯文帝數其有三太猛嫉妬心太猛自是非人心太猛無上心太猛

文帝既受周禪陰有平江南之志訪可任者高頴薦若弼有文武才幹拜總管委以平陳之事若弼欣然以為已任與壽州總管源雄並為重鎮若弼遺雄詩曰交河驃騎幕合浦伏波營勿使麒麟上無我二人名及陳平乃撰其所畫策上之謂之御授五陳七策

崔弘度

仁壽中為
太府卿

崔弘度性嚴酷官屬百工莫敢欺隱時有屈突蓋
為武侯車騎亦嚴刻長安為之語曰寧飲三斗
醋不見崔弘度寧炙三斗艾不逢屈突蓋

杜公瞻

衛尉臺
卿猶子

杜公瞻詠同心芙蓉詩曰灼灼荷花瑞亭亭出水
中一莖孤引綠雙影共分紅色奪歌姬臉香亂
舞衣風名蓮自可念况復兩心同

杜公瞻嘗邀陽玠過宅酒酣因而嘲謔公瞻謂陽
貨實辱孔子玠卽謂杜伯嘗射宣王時有太倉
令名策者與玠議理屈謂玠曰卿本無德量忽
共叔寶同名玠抗聲曰爾旣非英雄敢與伯符
連諱一時傳以為笑

薛道衡

字玄卿每構文必隱坐空齋蹋壁而臥開戶外有人便怒中書省中有一

盤石道衡為侍郎時嘗據而草制後其孫元起為中書舍人每見輒泫然流涕

薛道衡初仕齊及周為聘南使時南朝一僧甚辨

捷道衡向寺禮拜至佛堂門僧大引聲讀法華
經云鳩盤荼鬼今在門外道衡卽應聲還以法
華經答云毘舍闍鬼乃在其中僧徒愧服

薛道衡聘陳作人日詩云入春纔七日離家已二

年南人嗤之曰是底言誰謂此虜解作詩及云
人歸落鴈後思發在花前乃喜曰名下固無虛

士

樂府題有鴈
後歸本此

薛道衡遊鍾山開善寺謂一沙彌曰金剛何為努

目菩薩何為低眉沙彌答曰金剛努目所以降
伏四魔菩薩低眉所以慈悲六道道衡憮然稱
善

薛道衡嘗以醴和麥粥食之謂盧思道曰禮之用
和為貴先王之道斯為美思道答曰知和而和
不以禮節之亦不可行也

煬帝善屬文不欲人出其右薛道衡嘗作昔昔鹽
曲云垂柳覆金堤。蘼蕪葉復齊。水溢芙蓉沼。花

飛桃李蹊。採桑秦氏女。織錦實家妻。關山別蕩
子。風月守空閨。恒歛千金笑。長垂雙玉啼。盤龍
隨鏡隱。彩鳳逐帷低。飛魂同夜鵲。倦寢憶晨雞。
暗牖懸蛛網。空梁落燕泥。前年過代北。今歲往
遼西。一去無消息。那能惜馬蹄。其後道衡得罪
帝。令縊殺之。曰更能作空梁落燕泥否。鹽曲之
別名昔即

夜也梁樂府
有夜夜曲

王胄

字承基筠之孫與虞綽森名同志
友善後進之士咸以二人為準的

煬帝自東都還京師賜天下大酺四日為五言詩
詔羣臣詩成者奏之胄奉勅賦曰河洛稱朝市
崤函實奧區周營曲阜作漢建奉春謨大君苞
二代皇居盛兩都招搖正東指天駟廼西驅展
軫齊玉軼式道耀金吾千門駐罕畢四達儼車
徒是節春之暮神臯華實敷皇情感時物睿思
屬粉榆詔問百年老恩隆五日酺小人荷銘鑄
何由答大鑪帝覽胄詩稱善謂侍臣曰氣高致

遠歸之於曹詞清體潤其在世基意密理新惟
庾自直過此者未可以言詩也

煬帝嘗為燕歌行文士皆和王曹獨不下筆帝每
啣之會楊玄感反曹素與善坐徙邊亡命捕得
誅之曹死帝誦其警句曰庭草無人隨意綠是
誰語耶

柳詒

字顧言河東人煬帝為諸王時每有文
什輒令詒藻潤學士百餘詒為之冠既

即位詔見幸重與諸葛頴等離宮曲殿狎
宴清游廢不在坐猶念昏夜銅龍易乖爰

命僊師之流為木偶效誓面目施以
機械使能坐起續對酣飲往往而夜

柳顧言有詠死牛詩一朝辭紺幘千里別黃河對
禾徒下泣扣角詎聞歌同時明慶餘有死鳥詩
暮空長罷噪箭急不知驚賴餘琴裏曲猶有夜
啼聲一時並稱警策

煬帝廣

小字阿摩嘗泛舟忽陰風頗緊歎口
此風可謂跋色將軍宇文化及等謀

弒帝帝曰天子死自有法取鴆酒來不
許乃自解練巾授獨孤行達繼殺之

煬帝初封晉王仁壽末弒父自立漢王諒起兵晉

陽時偽署官告身皆一紙別授則二紙并州童
謠曰一張紙兩張紙客量小兒作天子諒聞謠
喜曰我幼字阿客量與諒同音吾於皇家最小
以為應之兵敗竟幽死

帝築西苑苑中鑿五湖每湖四方十里東曰翠光
湖南曰迎陽湖西曰金光湖北曰滌水湖中曰
光明湖湖中積土石為山構亭殿屈曲環遶澄
碧皆窮極人間華麗帝因製湖上曲望江南八

闌云湖上月。偏照列仙家。水浸寒光鋪枕簟。浪
搖晴影走金蛇。偏稱泛靈槎。光景好。輕彩望
中斜。清露冷。侵銀兔。影西風。吹落桂花。開宴
思無涯。一湖上。柳烟裏。不勝摧宿霧。洗開明媚
眼。東風搖弄好。腰枝烟雨更相宜。環曲岸。陰
覆畫橋低綠。拂行人。春晚後。絮飛晴雪。暖風時
幽意便依依。二湖上。雪風急。墮還多。輕片有時
敲竹戶。素華無韻入澄波。望外玉相磨。湖水

遠。天。地。色。相。和。仰。面。莫。思。梁。苑。賦。朝。來。且。聽。主。
人。歌。不。醉。擬。如。何。三湖。上。草。碧。翠。浪。通。津。修。帶。
不。為。歌。舞。緩。濃。鋪。堪。作。醉。人。茵。無。意。襯。香。衾。
晴。霽。後。顏。色。一。般。新。游。子。不。歸。生。滿。地。佳。人。遠。
意。寄。青。春。留。咏。卒。難。伸。四湖。上。花。天。水。浸。靈。芽。
淺。盞。水。邊。勻。玉。粉。濃。苞。天。外。剪。明。霞。只。在。列。仙。
家。
開。爛。熳。挿。鬢。若。相。遮。水。殿。春。寒。幽。冷。艷。玉。
軒。晴。照。暖。添。華。清。賞。思。何。賒。五湖。上。女。精。選。正。

輕盈猶恨乍離金殿侶。相將盡是採蓮人。清唱
漫頻頻。軒內好嬉戲。下龍津。玉管朱絃聞盡
夜。踏青鬪草事青春。玉輦從羣真。六湖上酒終
日。助清歡。檀板輕聲銀甲緩。醅浮香。米玉蛆寒
醉眼暗相看。春殿晚。仙艷奉盃盤。湖上風光
真可愛。醉鄉天地就中寬。帝主正清安。七湖上
水流遶禁園中。斜日暖搖清翠動。落花香暖衆
紋紅。蘋末起清風。閒縱目。魚躍小蓮東。泛泛

輕搖蘭棹穩。沉沉寒影上仙宮。遠意更重重。八
帝常遊湖上。多令宮中美人歌唱此曲。

帝幸江都至汴。帝御龍舟。蕭妃乘鳳舸。每舟擇妍
麗女子千人。執雕板鏤金檝。號為殿脚女。中有
吳絳仙者。柔麗不與羣輩齒。因有寵於帝。帝每
倚簾視絳仙移時。不去。歎曰。古云秀色若可餐。
如絳仙真可樂饑矣。因吟持檝篇。賜之曰舊曲
歌桃葉。新粧艷落梅。將身倚輕楫。知是渡江來。

詔殿脚女千輩唱之

帝至廣陵備月觀行宮有郎將自瓜洲進合歡果
帝命小黃門以一雙馳騎賜吳絳仙遇馬急搖
解絳仙拜賜私附紅牋上進曰驛騎傳雙果君
王寵念深寧知辭帝里無復合歡心帝歎曰絳
仙不獨貌可觀詩意深切乃女相如也亦何謝
左貴嬪乎

帝幸月觀中夜獨與蕭妃起臨前軒帝凭妃肩說

東宮時事適有小黃門映薔薇叢調宮婢衣帶
為薔薇習結笑聲吃吃不止帝望腰肢纖弱意
為袁寶兒有私披單衣亟往擒之乃雅娘也蕭
妃喟然不止帝曰往年幸安娘時情態正如此
曾效劉孝綽為雜憶詩嘗念與妃妃記否蕭妃
卽念云憶睡時待來剛不來卸粧仍索伴解佩
更相催博山思結夢沉水未成灰憶起時投籤
初報曉被惹香黛殘枕隱金釵裊笑動上林中。

除却司晨鳥。帝聽之咨嗟云。日月遄邁。今已幾年事矣。妃因言外方羣盜不少。帝曰。儂家事一切已託楊素了。人生能幾何。縱有他變。儂終不失作長城公。汝無言外事也。

洛陽進合蒂花得之嵩山塢中人不知名採者異之。會帝駕適至。因名迎輦花。濃艷芬馥。或惹襟袖。移時不散。嗅之令人不睡。命御車女表寶兒持之。號司花女。時虞永興世南草征遼德音於

側寶兒注視之帝曰昔傳飛燕可掌上舞今得
寶兒方昭前事然多愁態今注目於卿卿可使
嘲之虞為絕句曰學畫鴉黃半未成垂肩髻袖
太愁生緣愁却得君王惜長把花枝倚輦行帝
稱美

越溪進耀光綾綾文突起有光彩越人乘樵風舟
泛於石帆山下收野繭繅之繅綵女夜夢神人
告云禹穴三千年一開汝所得繭卽江淹文集

中壁魚所化也。絲織為裳，必有奇文織成，果符
所夢。獨賜表寶兒，洎吳絳仙、蕭妃、恚妬，不憚一
日。帝醉遊諸宮，偶戲宮婢羅羅者。羅畏蕭妃，不
敢迎。帝辭有程姬之疾，不可薦寢。帝朝曰：「個人
無賴，是橫波黛，染隆顙簇小娥。」幸好留儂伴，成
夢不留儂。住意如何。

帝幸榆林，啟民可汗奉觴上壽，拜伏甚恭。帝大悅，
賦詩曰：「鹿塞鴻旗駐，龍庭翠輦迴。毡帷望風舉，

穹廬向日開。呼韓稽顙至。屠耆接踵來。索辨擎
羶肉。韋韞獻酒杯。何如漢天子。空上單于臺。
帝泛舟忽陰風。頗緊歎曰。此風可謂跋扈將軍。
帝無日不治宮室。浙人項升進新宮圖。覽之大悅。
卽日召有司具材役。夫經歲而成。帑庫為之一
空。帝幸之大喜。謂左右曰。使真仙遊其中。亦當
自迷也。可目之曰迷樓。每一幸卽經月。宮女無
數。后宮多不得進御。有侯夫人者。忽自縊於棟。

下臂懸錦囊。左右取進得。自感詩三首。其一曰。
庭絕玉輦迹。芳草漸成窠。隱隱聞簫鼓。君恩何
處多。其二曰。欲泣不成淚。悲來翻強歌。庭花方
爛熳。無計奈春何。其三曰。春陰正無際。獨步意
如何。不及閑花草。翻承雨露多。又粧成詩云。粧
成多自恨。夢好却成悲。不及楊花意。春來到處
飛。又遣意云。秘洞扁仙丹。雕房鎖玉人。毛君真
可戮。不肯寫昭君。帝見詩反復。傷感往視其屍。

顏色猶美如桃花乃厚禮葬之

帝於迷樓上張四寶帳帳各異名一名散春愁二
名醉忘歸三名夜酣香四名延秋月帝自達廣
陵沉湎失度每睡須搖頓四體或歌吹鼙鼓方
就一夢侍兒韓俊娥尤得帝意每寢必召令振
聳支節然後成寢別賜名為來夢兒他日蕭后
誣以罪去之一日帝登迷樓忽憶俊娥因題東
南柱二篇云黯黯愁侵骨綿綿病欲成須知潘

岳鬢強半為多情。不信長相憶。絲從鬢裏生。
閑來倚樓立。相望幾含情。

帝昏酒滋深。往往為妖祟。所惑嘗遊雞臺。恍惚與
陳後主相遇。喚帝為殿下。後主戴單紗皂幘。綽
袖長裾。綠錦純緣紫紋方平履。舞女數十中。一
人迥美。卽張麗華也。以綠文測海蟲。酌紅梁新
醞。勸帝飲。帝甚歡。因請麗華舞。玉樹後庭花麗
華辭以拋擲。歲久。自井中出。腰肢無復往時。帝

再三索之乃徐起終一曲後主問帝蕭妃何如
此人帝曰春蘭秋菊各一時之秀也後主復詠
十數篇帝不記獨愛二詩其一小窓詩云午醉
醒來晚無人夢自驚夕陽如有意偏倚小窓明
其一寄侍兒碧玉詩云離別腸應斷相思骨合
銷愁魂若飛散憑仗一相招麗華拜求帝一章
帝辭以不能麗華笑曰嘗聞此處不留儂自有
留儂處安可言不能帝強為之操觚曰見面無

多事。聞名爾許時。坐來生百媚。實箇好相知。麗
華頽然不憚後。主問帝龍舟之游樂乎。始謂殿
下致治堯舜之上。今日後此逸遊大抵人生各
圖快樂。曩時何見罪之深耶。三十六封書使人
至今怏怏。帝忽寤叱之云。何今日尚目我為殿
下。復以往事訊我耶。隨叱聲恍然不見。

大業末帝將幸江都。東都宮女半不隨。駕泣留帝
言。遼東小國不足以煩大駕。願擇將征之。帝意

不回因戲飛帛題二十字賜守宮女云我夢江
都好征遠亦偶然但存顏色在離別只今年

帝將再幸江都有迷樓宮人抗聲夜歌云河南楊
柳謝河北李花榮楊花飛去落何處李花結果
自然成帝聞其歌披衣起聽召宮女問云孰使
汝歌汝自為之邪宮女曰臣有弟在民間得此
歌曰道途兒童多唱此歌帝默然良久曰天啟
之也天啟之也因索酒自歌云宮木陰濃燕子

飛興哀自古漫成悲。他日迷樓更好景。宮中吐
艷戀紅輝。歌竟不勝其悲。近侍奏無故而悲。又
歌臣皆不曉。帝曰休問他。日自知後主。幸江都。
唐帝提兵號令入京。見迷樓曰。此皆民膏血所
為。命焚之。經月火不滅。前謠前詩皆見。

帝在江都時。盜賊蜂起。道路隔絕。遂無心北歸。作
五言詩云。求歸不得去。真成遭箇春。鳥聲爭勸
酒。梅花笑殺人。復夢二豎子。歌曰去亦死。住亦

灰未若乘船渡江水由走築宮丹陽將居焉功
未就而被弑時適三月即遭春之應

帝又嘗三月三日江上作鳳船歌云三月三日向
江頭正見鯉魚波上遊意欲垂釣往撩取恐是
蛟龍還復休乃唐興之兆也

煬帝旣被弑越王侗稱帝侗眉目如畫風格儼然
嘗作楊叛兒歌曰青春正陽月結伴戲京華龍
媒玉珂馬鳳軫繡香車水映臨橋柳風吹夾路

花日昏歡宴罷相將歸狹斜後為王充所弑請
與太后訣不許乃布席禮佛曰願自今以往不
復生帝王家聞者憐之

乙支文德

高麗人

于仲文從煬帝征遼東高麗出兵掩襲輜重仲文
迴擊大破之至鴨綠水高麗將乙支文德詐降
仲文捨之既去尋悔選騎近之文德貽詩曰神
策究天文妙筭窮地理戰勝功既高知足願云

止

堯山堂外紀卷二十一終

堯山堂外紀卷二十一

八

堯山堂外紀卷二十二

晉陵蔣仲舒編

唐

文皇世

皇帝虬鬚壯冠人跡髭聖蜀御容院僧有唐十八帝真像院僧見神舜為

高祖即題其次云曾祖太宗祖高宗宋趙清獻公至院命小吏刮去曾祖祖三字

太宗在雒陽幸積翠池宴五品以上太宗曰今茲年數大登水潦不能為害天下既安邊方靜息因此農隙與公等舉酒酒既酣各賦一事太宗

賦尚書曰日晏翫百篇臨燈披五典夏康旣逸
豫商辛亦沉湎恣情昏主多克已明君鮮滅身
資累惡成名由積善魏徵賦西漢曰受降臨軹
道爭長趣鴻門驅傳渭橋上觀兵細柳屯夜燕
經百谷朝遊出杜原終藉叔孫禮方知天子尊
太宗曰魏徵每言必約我以禮

太宗宴玄武門作飛白字賜群臣或乘酒爭取于
帝前散騎常侍劉洎登御床引手得之帝笑曰

昔聞婕妤辭輦。今見常侍登床。

太宗征遼行至定州路側有一鬼衣黃衣立高冢上神彩特異太宗遣使問之荅曰我昔勝君昔君今勝我今榮華各異代何用苦追尋言訖不見問之乃慕容垂墓也

帝幸靈州時破薛延陀回紇諸部遣使入貢乞置官司上為詩序其事曰雪耻酬百王除凶報千古公卿請勒石於靈州從之

辛郁舊名太公弱冠遭太宗於行所問何人曰辛
太公太宗曰何如舊太公郁曰舊太公八十始
遇文王臣今適年十八已遇陛下過之遠矣太
宗悅命直中書

謝朓贈友人詩曰芳洲有杜若可以訂佳期清風
動簾夜孤月照窓時安得同携手酌酒賦新詩
貞觀中醫局求杜若度支郎乃下坊州令貢州
判司報云坊州不出杜若應由謝朓詩誤郎官

如此判事豈不畏二十八宿笑人耶太宗聞之
大笑判司改雍州司法度支郎免官

徐孝德女八歲能文父使擬離騷為小山篇云仰
幽岩兮流暉撫桂枝兮凝想將千齡兮此遇君
何為兮獨往太宗聞之召為才人卽徐賢妃也
太宗嘗召徐賢妃不至怒之賢妃進詩曰朝來臨
鏡臺粧罷且徘徊千金始一笑一召詎能來

賢妃

名惠湖州人長安崇
聖寺有賢妃粧殿

孔紹安

在隋時與孫萬壽以文辭稱時謂孔孫

大業末高祖討賊河東孔紹安監其軍深見接遇及受禪紹安自洛陽間行來奔拜內史舍人時夏侯端亦嘗為御史先來歸授秘書監紹安因侍宴詠石榴以寓意曰可惜庭中樹移根逐漢臣。祇為時來晚。開花不及春。時人稱之。

李百藥

字重規定州人隋內史令德林子也。幼多病祖母因以百藥為名。

李百藥七歲能屬文父德林嘗與其友陸乂馬元

熙宴集讀徐陵文曰旣取成周之禾將刈琅瑯
之稻並不知其事百藥時侍立進曰傳稱鄒人
藉稻杜預注曰鄒國在瑯琊開陽人等大驚異
之皆曰此兒神童也

李百藥少年詞云始酌文君酒新吹弄玉簫少年
不歡樂何以盡芳朝千金笑裏面一榻掌中腰
掛冠豈憚宿迎拜不勝嬌寄語少年子無辭歸
路遙

李百藥詠螢火示情人云窓裏憐燈暗
堦前畏月明不辭逢露濕祇為重宵行

崔信明

青州益都人五月五日生日方中有異崔鳴集庭柱太史令史良占曰五

日為火火主離離為文日中文之盛也崔五色而鳴此兒將以文顯大業中為堯城令竇建德僭號招之不居去隱太行山

武德時崔信明有詩名嘗矜其文謂過李百藥榮陽鄭世翼遇之江中謂曰聞公有楓落吳江吟願見其餘信明欣然多出衆篇世翼覽未終曰

所見不逮所聞投諸水引舟去

崔善為

令狐德棻欲補正歷代史詔各差官主修一代善為與孔紹安主修梁

武德中崔善為歷尚書左丞甚得時譽諸曹惡其
聰察因其身短而偃嘲之曰崔子曲如鈎隨例
得封侯膊上全無項胸前別有頭高祖聞勞勉
之因購流言者加其罪

虞世南

太宗初為秦王高祖以其功大特置天策上將開天策府世南等十八人

為學士預其選者時人謂之登瀛洲太宗嘗作宮體詩使世南賡和虞曰聖作誠工

然體非雅正臣恐此詩一傳天下風靡帝
曰朕試卿爾後帝為詩一篇述古興亡既
而歎曰鍾子期死伯牙不復鼓琴朕此詩
何所示耶勅褚遂良即永興靈坐焚之

虞永興有織錦曲分明是一幅織錦圖其辭曰寒
閨織素錦含怨飲雙蛾。綜新交縷澁經脆斷絲
多。衣香逐舉袖。釧動應鳴梭。還恐裁縫罷。無信
往交河。

許敬宗

字延族十八學士之一性輕見人多

遇曹劉沈謝暗中摸看亦自可識也又奢
豪嘗飛樓七十間令妓女走馬其上以

為戲
樂

楊思玄為吏部侍郎恃外戚之貴待選流多不以
禮而排斥之為選人夏侯彪所訟御史中丞郎
餘慶彈奏免許敬宗曰固知楊吏部之敗也或
問之許曰一彪一狼共著一羊不敗何待

許敬宗孫彥伯昂子也頗有文敬宗晚年不復下
筆凡大典冊悉彥伯為之嘗戲昂曰吾兒不及
若兒答曰渠父不如昂父

虞永興子昶無才術歷將作少匠工部侍郎許敬宗曰來護兒兒作相虞世南兒作匠文武豈有

種耶護兒兒
謁來濟

杜淹

與帝福嗣為英逆友開皇中相與謀曰主上好嘉適蘇威以幽人見擢盡各効

之乃俱入太白伴言隱並隋文帝聞之謫戍江表後還鄉里以經籍自娛大業末為御史中丞雖陽平將委質於隱太子房玄齡恐貴敵因啓用之

杜淹為天策府兵曹太宗戡內難以為御史大夫因詠雞以致意其詩曰寒食東郊道陽溝競出

籠花冠偏照日芥羽正生風顧敵知心勇先鳴
覺氣雄長翹頻掃陣利距屢通中飛毛遍綠野
灑血清芳叢雖言百戰勝會自不論功

初杜淹見袁天綱於洛天綱謂曰蘭臺成就學堂
廣寬又曰二十年外終恐責黜暫去卽還武德
六年以善隱太子配流雋州淹至益州見天綱
曰洛邑之言何其神也天綱曰不久卽回至九
年六月召入天綱曰杜公至京師卽得三品要

職淹至京拜御史大夫檢校吏部尚書因贈天
網詩曰伊呂深可慕松喬定是虛繫風終不得
脫屣欲安如且珍紉素美當與薜蘿疎旣逢楊
得意非復久閑居

溫彥博

字大臨與兄大雅第大有俱師王通文學知名薛道衡見之嘆曰三人者

皆卿相材也武德中大雅遷黃門侍郎而彥博亦為中書侍郎對管華近帝謂曰我起晉陽為卿一門耳

溫彥博為僕射有裴畧宿衛考滿兵部試判為錯

一字落第此人卽彥博處披訴彥博當時共杜如晦坐不理其訴此人卽云少小以來自許明辨至於通傳言語堪作通事舍人並解作文章兼能嘲戲彥博始迴意共語時廳前有竹卽令嘲竹應聲嘲曰竹風吹青肅肅凌冬葉不彫。經春子不熟。虛心未能待國士。皮上何須生節目。彥博大喜卽云旣解通傳言語可傳語與廳前屏牆此人走至屏前大聲語曰方今聖主聰明

開四門以待士君是何物人在此因復嘲曰高
下八九尺東西六七步突兀當廳坐幾許遮賢
路咏畢卽推倒彥博云此意着膊此人云非但
著膊亦乃著肚當為杜如晦在坐有此言彥博
如晦俱大歡笑卽令送吏部與官

歐陽詢

字信本長沙汨羅人官太子率更令

嘗行見古碑是索靖書駐馬觀之良久而去數百步復還下馬佇立疲倦則布
毯坐觀因宿其下三日乃去子通早孤及
長求父遺迹刻意臨仿數年書
亞於詢父子齊號大小歐陽

歐陽詢為人瘦小極甚寢陋而聰敏絕倫太宗嘗
宴近臣互令嘲謔以為娛樂長孫無忌先嘲詢
曰聳膊成山字埋肩不出頭誰令麟閣上盡此
一獼猴詢應聲曰縮頭連背煖漫襠畏肚寒祇
緣心渾渾所以面團團太宗笑曰謁殊不畏皇
后聞耶文德皇后喪百官衰經詢狀貌醜異衆
共指之許敬宗見而大咲為御史所劾

左授洪
州司馬

宋國公蕭瑀不解射九月九日太宗賜射瑀箭俱

不着垛一無所獲歐陽詢作詩嘲之曰急風吹
緩箭弱臂挽強弓欲上翻垂下應西還向東斗
回俱着地兩手併擎空借問誰為此多應是宋
公。鴉嘗侍宴太宗謂近臣曰自知一座最貴者
先把酒時長孫無忌房玄齡相顧未言鴉引
手取盃帝問曰卿有何說鴉對曰臣是梁朝天
子兒隋室室皇后弟唐朝左僕射天子親家翁
太宗撫掌
極歡而罷

長孫無忌

字玄同長孫
皇后弟也

長孫無忌新曲云家住朝歌下句早傳名結伴來

遊淇水上

句

舊時情

句

玉佩金鈿

隨步動

雲羅

霧縠

逐風輕

轉目機心

懸自許

何須更待

聽琴

聲

又一曲

云迴雪凌波

遊洛浦

句

遇陳王

句

婉

約娉婷

工語笑

句

侍蘭房

句

芙蓉綺帳

開還揜

翡翠珠被

爛齊光

長願今宵

奉顏色

不愛聞蕭

逐鳳皇

句

長孫玄同

嘗為攝祭

官於壇所

清齋玄同

在幕內

坐有大來

遺糞穢於

牆上玄同

乃取支牀

搏自

堯山堂外紀

卷二十一

十一

擊之傍人怪其率問曰何為自微支牀搏打狗
玄同曰可不聞苟利社稷專之亦可

賈嘉隱年七歲以神童召見時長孫無忌徐司空
勣於朝堂立語徐戲之曰吾所倚何樹嘉隱云
松樹徐曰此槐也何言松嘉隱云以公配木何
得非松長孫復問吾所倚何樹曰槐樹公曰汝
不能復矯對耶嘉隱曰何煩矯對但取其鬼木
耳徐嘆曰此小兒作獠面何得如此聰明嘉隱

云胡頭尚為宰相僚面何廢聰明徐狀胡故詭之

蕭翼

本名世翼梁元帝曾孫華縣人太宗時為監察御史

蕭翼奉勅取羲之蘭亭序真蹟於越僧辨才翼初作北人南遊一見款密留宿設缸面酒酣樂之後探韻賦詩才探來字詩云初醞一缸開新知萬里來披雲同落莫步月共徘徊夜久孤琴思風長旅鴈哀非君有秘術誰照不燃灰翼探招

字詩云邂逅款良霄。慙慙荷勝招。彌天俄若舊。
初地豈成遙。酒蟻傾還泛。心猿躁似調。誰憐失
群翼。長若業風飄。既而以術取其書。歸辨才智

江東鉅面循河北
曰甕頭蓋初熟酒

李義甫與來濟同時以文顯時稱來李貌柔
恭心偏忌時號笑中刀又以柔而害

物號
李信

貞觀中李義甫八歲以神童至京師李大亮劉洎
薦之也太宗在上林苑召令詠烏李賦詩曰日

裏。颺朝彩。琴中伴夜啼。上林如許樹。不借一枝。

棲帝曰。當以全樹借子。何止一枝。

高宗朝義甫為右相嘗擅

殺寺丞畢正義王義方庭幼之彈文有昔事馬周分桃見寵後交劉洎割袖承恩等語

李義甫嘗賦詩云。鏤月為歌扇。裁雲作舞衣。自憐

迴雪影。好取洛川歸。有棗強尉張懷慶好偷竊

名士文章。乃增二字。為七言云。生情鏤月為歌

扇。出性裁雲作舞衣。照鑑自憐迴雪影。來時好

取洛川歸。時人謂之活剝。張昌齡生吞郭正一

上官儀

字遊韶。初為沙門。貞觀初擢第。太宗每為文。遣儀視草。尤工詩。人謂為上

官體。麟德初。坐果王忠事。下獄死。中宗追贈中書令。以其女孫為昭容。

高宗承貞觀之後。天下無事。上官侍郎儀獨持國

政。嘗凌晨入朝。巡洛水堤。步月徐轡。詠詩云。脉

脉廣川流。驅馬歷長洲。鵲飛山月曉。蟬噪野風

秋。音韻清亮。群公望之。猶神仙焉。

閻立本

貞觀中主爵郎中。總章元年拜相。

高宗朝。姜恪為左相。閻立本為右相。時姜以邊將

立功立本最善圖畫時人以千字文為之語曰
左相宣威沙漠右相馳譽丹青

郝處俊

高宗朝中書令議使天
后攝政以處俊諫乃止

長安仁和坊兵部侍郎許欽明宅與中書令郝處
俊鄉黨親族兩家子弟類多醜陋而盛飾車馬
以遊里巷京洛為之語曰衣裳好儀觀惡不姓
許卽姓郝

杜易簡

監察
御史

格輔元拜監察遷殿中充使次龍門遇盜行裝都
盡袒被而坐杜易簡戲詠之曰有耻宿龍門精
彩先瞰渾眼瘦呈近店睡響徹遙林捋囊將舊
識掣被異新婚誰言驄馬使翻作蟄熊蹲

王勃

字子安與兄勣勳皆有才名杜易簡稱
為三株樹麟德初沛王召勃署府修撰

時諸王方共閑鷄勃戲為沛王檄英王鷄
高宗見之大怒曰此殆交構之辭即日寬
勃嘗讀易夜夢有告者曰易有太極子勉
思之寤而作易發揮數篇至晉卦止又作

唐家千

歲曆

王勃父福時遷交趾令勃年十三往省之阻風泊
舟馬當山下去南昌七百里夢見水府元君曰
當助清風一帆昧爽遂抵南昌時都督閻伯嶼
重修滕王閣九日大會勃與宴閻宿命其婿吳
子章作序誇客因出筆紙徧請坐客皆莫敢當
至勃侃然不辭閻怒起更衣遣吏伺其文輒報
初報曰南昌故郡洪都新府閻曰此老生常談
耳次曰星分翼軫地接衡廬閻沉吟移晷至落

霞與孤鶩齊飛秋水共長天一色乃瞿然曰天

才也因請成文極歡而罷勃嘗夢人遺墨盈袖

先磨墨數升引被覆面而卧忽起書之初不加

點時謂腹藁固縑率下四子成一首詩勃猶詫

之向人曰吾材奪造化雖一時之間百用亦可

所至請托為文金帛豐積人謂心織舌耕

楊炯盈川令高宗朝王勃與炯及盧照隣駱

楊盧駱炯歎曰吾愧在盧前耻居王后炯

麟者必修飾其形覆之驢上寵

然異物及去其皮還是驢耳

每呼朝士為麒麟或問之曰今假弄麒麟

談陸士衡之所記潘安仁宜其陋矣仲張統何足知之時號為黠鬼薄

楊盈川有姪女曰容華能詩賦新粧五言云宿鳥驚曉罷房櫳乘曉開鳳釵金作鏤鸞鏡玉為臺粧侶臨池出人疑月下來自憐終不見故去復徘徊

盧照隣

字昇之初授鄧王府典籤王甚知之嘗語諸人曰此寡人相知也後拜新

都尉因染風疾去官足攣一手又廢乃居具茨山下自以為高宗尚吏已獨儒試后

尚法已獨黃老后封嵩山屢
聘賢士獨已廢著五悲文

盧照隣獄中學騷體一章云夫何秋夜之無情兮。
皎晶悠悠而太長。園戶杳其幽邃兮。愁人披此
嚴霜。見河漢之西落。聞鴻鴈之南翔。山有桂兮。
桂有芳。心思君兮。君不將。憂與憂兮。相積。歡與
歡兮。兩忘。風嫋嫋兮。木紛紛。凋綠葉兮。吹白雲。
寸步千里兮。不相聞。思公子兮。日將曛。林已暮
兮。鳥羣飛。重門掩兮。人徑稀。萬族皆有所托兮。

蹇獨淹留而不歸

駱賓王

字賓王義烏人臨海丞

駱丞七歲能詩咏鵝云鵝鵝曲項向天歌白毛浮
綠水紅掌撥青波

駱丞文好以數對如秦地重關一百二漢家離宮
三十六號為筭博士

徐敬業欲起兵署賓王爲府屬令畫計取中書令
裴炎共事賓王足踏壁靜思食頃乃爲謠曰一

片火兩片火緋衣小兒當殿坐教炎莊上小兒
誦之并都下童子皆唱炎乃訪學者令解之召
賓王至數啖以寶物錦綺又賂以音樂妓女駿
馬皆不言乃將古忠臣烈士圖共觀之見司馬
宣王賓王欬然起曰此英雄丈夫也卽說自古
大臣執政多移社稷炎大喜賓王曰但不知謠
讖何如耳炎語以謠言片片火之事賓王卽下
北面拜曰此真人也遂與敬業等合謀揚州兵

起炎從內應與敬業等書唯有青鵝字人有告者朝臣莫之能解則天曰此青字者十二月鵝字者我自與也遂誅炎敬業等尋敗

駱丞在徐敬業府為敬業檄武后罪狀武氏覽及蛾眉不肯讓人狐媚偏能惑主微笑而已至一杯之土未乾六尺之孤何在不悅曰宰相何得失如此人

郭弘霸自陳討徐敬業誓抽其筋食其肉飲其血絕其髓武后大悅授御

史時號四其御史

駱丞之敗也落髮靈隱寺中宋之問自謫所還至
江南遊靈隱寺夜月極明在長廊行吟曰驚領
鬱岩薨龍宮鎖寂寥句未屬有老僧點長明燈
問曰少年夜久不寐而吟諷甚苦何耶之問曰
適欲題此寺而興思不屬僧請吟上聯卽曰何
不云樓觀滄海日門對浙江潮之問愕然訝其
道麗遂續終篇曰桂子月中落天香雲外飄捫
蘿登塔遠剡木取泉遙霜薄花更發水輕葉未

周待入天台路看余度石橋遲明更訪之不復

見矣寺僧有知者曰此駱賓王也

當敬業之敗與賓王俱逃

捕不獲將帥慮失大魁得不測罪時死者數萬因求類二人者西首以獻故敬業得為衡山僧年九十餘乃卒賓王亦落髮編遊名山以終

李榮

京城流俗僧道常爭二教優劣迹相非斥總章中興善寺災尊像蕩盡東明觀道士李榮因詠之曰道善何曾善云興遂不興如來燒亦盡唯有

一、群僧時人雖賞榮詩然聲稱從此而減

堯山堂外紀卷二十二終